



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Anthologia Sacra**

Ex Probatissimis Vtrivsqve Linguæ patribus collecta, atque Octastichis  
versibus comprehensa

**Billy, Jacques de**

**Parisiis, M.D.LXXV.**

Calamitates nobis à Deo vtilitatis nostræ causa immitti. 75.

[urn:nbn:de:hbz:466:1-50828](https://nbn-resolving.org/urn:nbn:de:hbz:466:1-50828)

te è dicit vir eruditissimus, quia ceruus mira ac singulari pedum leuitate præditus est, hircus autem ad libidinem pronus est, ingratisq; odoris. At verò impij Seueriani vt refert Epih. hær. 45. hominem partim Dei esse, partim diaboli, contendebant: Dei nimirum ab vmbilico sursum, diaboli autem ab inferioribus partibus.

Calamitates nobis à Deo  
utilitatis nostræ cau-  
sa immitti.

75.

*Cum nimium paribus cernit colludere natum,  
Quam vti genitor callidus arte solet?  
Protinus horribilem seruos assumere laruam,  
Verbaque terroris fundere plena iubet.  
Sic sibi præferri Christus cum gaudia mundi  
Parspiciat, horrendis utitur ipse minis.  
Non vibrare sui cupiat quod tela furoris:  
Verum ad eum vt redeat mens tremefacta metu.*

SCHOLIA.

Hom. 10

Cum nimium paribus ) Huiusce de diu. 10

## S A C R A

Carminis argumentum à Chry-  
 sostomo mutuat<sup>o</sup> sum, qui ho-  
 milia quadam his verbis vtitur.  
 Māsuetiores filiorum parentes,  
 cū paruulos suos viderint à le-  
 quidem discedere, æquæuorum  
 autem suorum lusibus derinens  
 præcipiūt famulis terribilia me-  
 ta simulare, vt exagitati metu pa-  
 uuli ad maternum sinum festinè  
 confugere. Ita & Deus nō mo-  
 ab aliis nos finit tribulari, sed  
 nunquam etiam ipse plagam  
 natur: nō vt eam in nos inducat  
 sed vt nos ad se potius adducat.  
 Atque idem alio loco eandem  
 rē causam affert, cur Deus op-  
 omnes nostras nobis eripiat,  
 hunc modum loquens, Pater  
 timus & integer, cū filium  
 derit amore meretricis alicui  
 deperire, si admonitiones eius  
 audire neglexerit, illam meret-

*Homil.*  
*33. ad*  
*Hebr.*

cem de medio auferens, in exilia  
longinqua detrudit. Talis est etiã  
abundantia pecuniarum. Curam  
igitur de nobis gerens verus pa-  
ter & optimus dominus, volens  
nos ab hac læsione liberare, aufert  
nobis pecunias, quarum amore  
mens nostra corrumpitur.

*Non vibrare sui*) Hoc est quod  
scribit Ambrosius, exponens hæc  
Dei verba, Ponam arcum meum  
in nubibus cœli. Ideo dicit, Arcũ  
meũ ponã in nube, non sagittam.  
Arcus enim instrumentũ iaculã-  
dæ sagittæ est. Itaque non ipse ar-  
cus vulnerat sed sagitta. Et ideo  
Dominus in nubibus arcũ magis  
quã sagittã ponit, id est, non illud  
quod vulneret, sed quod habeat  
terroris indicium, vulneris effe-  
ctum habere non solet. Atque  
eodem modo Augustinus, vt o-  
stendat comminationes eas, quas,

*Lib. de  
Noë et  
Arc.  
cap. 72.*

*Serm.  
109. de  
temp.*

vt nos ad salutis studium impelat, Deus adhibere consuevit, his verbis vtitur: Propterea se iudicenturum minatur, vt non inueniat quos puniat cū venerit. Propterea illud cātant Propheta, vt corrigamur. Si dānare veller, taceret: Nemo volens ferire, dicat obserua. Totum fratres quod ad diuim<sup>o</sup>, per Scripturas, vox est dicētis, Obserua. Et totum quod patimur tribulationis in hac vita, flagellū dei est, corrigere vobis, ne dānet in fine. Omnia ista quæ nobis infligūtur à Domino admonitiones sunt, stimuli correptionis nostræ. Ac de hac re per cherrimum caput est in Piferia Cosmurgia, vbi Deū malo sagittatori cōfert, qui aliò collineo sagittā mittit. Eodem enim modo Deū indignationis quæ suæ arcū cōtendere, atq; ad feriendū peccatorē sese cōparat

*Lib. 1.*

*cap. 24.*

haudquaquam tam eū ferire, verum id dūtaxat agere, vt eū timore afficiat, atq; ad melioris vitæ studium excitet.

De mundanorum gaudio.

76.

*Qui sonus est medio spine flagrantis in igne,  
Hic sonus in stulti prosperitate viri est.  
Quod si nosse cupis quæ sit sors fausta malorum,  
Vindicis est pœna nescia vitæ nocens.  
Ludere, bacchari, grauidis incumbere mensis,  
Ridere, Et carni semper amica sequi:  
Nullas interea febres, nec ferre labores,  
Læticia est hominis sorsque beata mali.*

SCHOLIA.

*Qui sonus est*) Salomon in Eccle- *Eccle. 7.*  
siasse suo de impiorū læticia ver- *Et Ibi*  
ba faciens, sicut, inquit, ignis spi- *Ferus.*  
narum ardentium sub olla, sic ri-  
sus stulti. Quā quidē similitudinē  
Ferus elegāter ad hunc modū ex-  
ponit. Risus significat totā vitam  
stultorum, quæ ipsos delectat: sed  
est tantum externa larua lætitiæ,  
non verū gaudiū. Pulchrè autem

q ij